



Broj:01-04-85/22  
Orašje, 21.04.2022. godine

**SMJERNICE ZA TROGODIŠNJE PLANIRANJE RADA GRADA ORAŠJE ZA  
PERIOD 2023.-2025. GODINA**



## I. UVOD – Svrha Smjernica

Člankom 10. Uredbe o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine („Službene novine Federacije BiH“, broj: 74/19 i 2/21) propisano je da proces trogodišnjeg planiranja rada započinje izradom Smjernica za trogodišnje planiranje rada koje priprema gradonačelnik u suradnji sa tijelom za poslove razvojnog planiranja i upravljanja razvojem (u daljnjem tekstu: Smjernice).

Smjernice predstavljaju osnovu za planiranje rada gradskog organa uprave u naredne tri godine, kako bi se na adekvatan način uključili razvojni prioriteti koji su definirani Strategijom razvoja Općine Orašje 2021-2027., Okvirom za implementaciju ciljeva održivog razvoja u BiH i drugim relevantnim dokumentima. Smjernice imaju za cilj da potenciraju ključne aktivnosti koje je neophodno poduzeti u narednom planskom ciklusu, a koje imaju sinergijski efekat za više oblasti društveno-ekonomskog života grada. Smjernicama se započinje proces trogodišnjeg i godišnjeg planiranja, a kroz njihovu pripremu sagledava se i uvažava aktualni razvojni kontekst te donosi politička odluka o osnovnim pravcima razvoja za naredni trogodišnji period.

Primjenom Zakona o razvojnom planiranju i upravljanju razvojem Federacije Bosne i Hercegovine („Službene novine Federacije BiH“, broj: 32/17) i pratećih podzakonskih akata – Uredbe o izradi strateških dokumenata u Federaciji Bosne i Hercegovine („Službene novine Federacije BiH“, broj: 74/19), Uredbe o evaluaciji strateških dokumenata u Federaciji Bosne i Hercegovine („Službene novine Federacije BiH“, broj: 74/19), Uredbe o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine, te uvođenjem obaveze izrade Smjernica olakšano je planiranje razvoja, praćenje realizacije i provođenja strateških dokumenata i izvještavanja o realiziranom.

Uredbom o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine su propisani minimalni elementi Smjernica, a iste se izrađuju svake godine za period od tri godine (1+2 po rolling sistemu) i pripremaju se u skladu sa strateškim dokumentima Grada Orašje radi izrade trogodišnjeg plana rada.

Pored toga što predstavljaju usmjerenje za budući rad organa uprave, Smjernice služe i ostalim zainteresiranim stranama kao vodilja za planiranje i implementaciju konkretnih projekata i aktivnosti u narednom trogodišnjem periodu.



## II. Kratak osvrt na opći razvojni kontekst grada Orašje

Grad Orašje administrativno pripada Županiji Posavskoj i Federaciji Bosne i Hercegovine, i smještena je u sjeveroistočnom dijelu Bosne i Hercegovine. Zajedno sa općinama Odžak i Domaljevac-Šamac čini Županiju Posavsku. Orašje je sjedište Vlade Županije Posavske dok je u Domaljevcu sjedište Skupštine Županije Posavske, a u Odžaku sjedište sudske vlasti. Grad Orašje zauzima površinu od 121,8 km<sup>2</sup> i čini 37,5% površine Županije Posavske odnosno 0,46% Federacije BiH. Grad Orašje najgušće je naseljena lokalna zajednica Županije Posavske sa 154,5 stanovnika po km<sup>2</sup>, odnosno na ovom području živi 18.817 stanovnika.

Prema posljednje objavljenim podacima Federalnog zavoda za programiranje razvoja, Grad Orašje je prema indeksu razvijenosti rangiran kao 42 od 79 općina/gradova u FBiH u 2020. godini, što predstavlja napredak u odnosu godinu prije, kada se nalazio na 45. mjestu, iako i dalje spada u grupu III razvijenosti jedinica lokalne samouprave u FBiH.

Grad Orašje prema rezultatima Popisa stanovništva iz 2013. godine imao je 19.861 stanovnika, dok procijenjeni broj stanovnika, prema posljednje dostupnim podacima u 2020. godini iznosi 18.817 što je za 5,25% ili 1.044 stanovnika manje u odnosu na Popis iz 2013. godine. Na području grada Orašje, prisutan je trend kontinuiranog pada ukupnog broja stanovnika u proteklom periodu što predstavlja zabrinjavajući pokazatelj u oblasti demografskih kretanja, zajedno sa stopom prirodnog priraštaja koja je od 2017. godine negativna. Starosna i obrazovna struktura stanovništva još uvijek nisu nepovoljne, a upravo najveći dio mladog stanovništva Županije Posavske, kojoj administrativno i teritorijalno pripada Grad Orašje, prebiva upravo na području Orašja, koje u ukupnom broju mladih stanovnika na području Županije sudjeluje sa 49,3%. Međutim, migracije stanovništva značajna su prijetnja u oblasti demografskih kretanja grada Orašja, gdje je značajan broj stanovništva napustio grad u potrazi za poslom i/ili boljim životnim uslovima, posebno u Europskoj Uniji odnosno Njemačkoj, Austriji i Republici Hrvatskoj koja se nalazi uz Grad Orašje, uzrokujući negativne efekte kako na dostupnost i kvalitet radne snage tako i za cjelokupni razvoj područja. U svrhu provođenja pronatalitetne politike, ali i zadržavanja stanovništva na području Orašja, Gradsko vijeće Orašje u travnju 2022. godine donijelo Odluku o dodjeli jednokratne novčane naknadne rodiljama po rođenju djeteta i jednokratne novčane pomoći obiteljima s više djece, što će biti praksa i u narednom planskom periodu.

Stupanj zaposlenosti u Orašju u 2020. <sup>1</sup>godini iznosio je 25,5% što je povećanje u odnosu na 2015. godinu kada je stupanj zaposlenosti iznosio 23,8%. COVID 19 pandemija u 2020. godini ostavila je negativne posljedice na ekonomsku aktivnost i tržište rada, te se kao posljedica pandemije dogodio očekivan porast nezaposlenosti, a gubitak radnih mjesta je posebno bio vidljiv u uslužnim djelatnostima koje zahtijevaju fizičku interakciju.

<sup>1</sup> Na dan izrade dokumenta nisu bili dostupni aktuelniji statistički podaci zbog čega se koriste posljednje dostupni podaci iz 2019., 2020. i 2021. godine



Podaci o zaposlenosti i nezaposlenosti u 2021. i 2022. godini ukazuju na blagi poravak na tržištu rada. Prema podacima Službe za upošljavanje Županije Posavske na dan 31.12.2021. godine broj nezaposlenih na području Orašja iznosio je 2.059, što je manje za 103 (4,7%) u odnosu na isti dan 2020. godine. Broj zaposlenih na dan 31.12.2021. godine iznosio je 3.463 što je više za 22 (cca. 1%) u odnosu na isti dan 2020. godine. Prema podacima predstavnika Službe za upošljavanje ŽP sličan trend nastavlja se i u 2022. godini, te će konačni zvanični podaci biti poznati početkom naredne godine.

COVID 19 pandemija utjecala je i na cjelokupnu gospodarsku aktivnost na području grada Orašja što se ogleda i u evidentnom smanjenju izvoza u 2020. u odnosu na 2019. godinu, međutim podaci o ostvarenim prihodima od izvoza gospodarskih društava sa područja grada Orašje ukazuju na povećanje ostvarenih prihoda od izvoza u 2021. godini u odnosu na 2020. godinu kao i na postepeni gospodarski oporavak. Naime, prema podacima iz finansijskih izvještaja gospodarskih društava predatih FIA-i, ukupni prihodi od izvoza gospodarskih društava sa područja Orašje u 2021. godini iznosili su 33.946.542 KM što je povećanje za 34,5% u odnosu na 2020. godinu. Prosječna neto plaća na području Orašja u 2020. godini je iznosila 960 KM što je za 13,3% više od prosječne plaće u Županiji Posavskoj te je za 4 KM više od prosječne neto plaće u FBiH. Na području grada Orašje od 2017. godine bilježi se kontinuirano povećanje broja poslovnih subjekata koji je u 2020. godini iznosio 1.253. Broj pravnih osoba iznosio je 508, a obrtnika 299, te je ohrabrujuća činjenica da je bez obzira na negativan uticaj COVID 19 pandemije na području grada Orašja došlo do blagog rasta cjelokupog broja poslovnih subjekata u 2020. godini, a posebno broja obrtnika. Podaci iz BISNODE baze podataka ukazuju na dalji porast broja kompanija na području Orašja u 2021. godini, gdje se bilježi 149 ovih poslovnih subjekata. Trgovina na veliko i malo najzastupljenija je djelatnost gospodarskih društava registriranih na području Orašja te time predstavlja i jednu od ključnih gospodarskih grana. Blagi oporavak ove gospodarske grane u 2021. godini vidljiv je kroz povećanje prihoda od prodaje (6,7%) i dobiti (12,9%) u odnosu na 2020. godinu. Prerađivačka industrija grada Orašja također bilježi oporavak nakon COVID 19 pandemije. Na nivou ove gospodarske grane u 2021. godini u odnosu na 2020. godinu zabilježen je porast ukupnih prihoda od prodaje (29,2%), prihoda od izvoza za 76,5% te ukupne dobiti za čak 136%. Prema posljednje dostupnim podacima, u 2019. godini je registrirano 15.310 noćenja na području Orašja što je za 47% ili 4.894 noćenja više nego u 2015. godini. Nažalost, u protekloj periodu nije došlo do otvaranja novih objekata turističke infrastrukture.

Poljoprivreda je značajna gospodarska grana Orašja, ali su i dalje aktuelni problemi sa kojima se suočavaju poljoprivedni proizvođači kao što su izuzetno visoka konkurencije iz okruženja i značajan uvoz poljoprivednih proizvoda, značajne minirane površine, male površine koje se navodnjavaju, zbog neizgrađenosti sustava navodnjavanja, usitnjen posjed, zapušteni i oštećeni objekti obrane od poplave (nasipi, kanalska mreža) te neorganizirana protugradna zaštita. Kroz strateške intervencije u narednom planskom periodu nastojati će se doprinijeti rješavanju navedenih problema i unapređenju konkurentnosti poljoprivredne proizvodnje Orašja.



Poduzetnička zona Dusine kao i Centar za poduzetništvo doprinose privlačenju investicija na područje Grada. Tijekom svibnja 2022. Odlukom Gradskog vijeća Orašje godine proširena je postojeća „Poduzetnička zona Dusine“, čija ukupna površina sada iznosi 426.248 m<sup>2</sup> sa 55 parcela te je, uvažavajući prednosti geografske lokacije, ali i sadržaj poduzetničke zone Dusine koji privlače investitore i u narednom periodu, neophodno raditi na unapređenju infrastrukture zone i njenom popunjavanju.

Osnovnu pretpostavku za razvoj turizma Orašja predstavljaju prirodne vrijednosti i geografski položaj. Bogatstvo vodama rijeke Save te mnogi poribljeni rovovi kao i bogatstvo lovišta i ribolovnih revira, posebno fazanske, srneće, ali i druge lovne divljači i ribe predstavljaju značajan potencijal za razvoj lovnog i ribolovnog **turizma** uz povezivanje i oslanjanje na poljoprivrednu proizvodnju, time i ruralni turizam, što će biti fokus u narednom planskom periodu.

S obzirom na vidljiv trend opadanja broja učenika od 2015. godine, uz pronatalitetnu politiku neophodna je provedba daljnjih mjera na unapređenju energetske efikasnosti školskih objekata, ali i opremanju škola i u svrhu što kvalitetnijeg **odgojno obrazovnog procesa** i stjecanja suvremenih znanja učenika. Sumirajući pružanje usluga u javnom **zdravstvu**, može se zaključiti da zdravstveni sustav na području grada funkcionira na zadovoljavajućem nivou te ima potrebnu infrastrukturu, tehničku opremljenost i kadrovsku popunjenost, čemu će dodatno doprinijeti završetak novog objekta Doma zdravlja u Orašju čime će se ujedno povećati obuhvat stanovnika zdravstvenom zaštitom, što je jedna od prioritetnih strateških intervencija u narednom razdoblju.

U kontekstu **sigurnosti građana**, zaštita od poplava je i dalje jedan od ključnih prioriteta u narednom planskom periodu kako bi se osiguralo dalji razvoj u svim segmentima (ekonomski, društveni i okolišni) s obzirom na izuzetno visok rizik od ove elementarne nepogode. Unapređenje oblasti **sporta i kulture** značajno je za dalji sveukupni razvoj Orašja. S tim u vezi strateške intervencije koje će za cilj imati unapređenje infrastrukture u navedenim oblastima značajno će doprinijeti većem sadržaju ali i obuhvata stanovništva ovim segmentom društvenog razvoja. Aktivnosti na realizaciji strateške intervencije koja se odnosi na izgradnju sportsko kulturnog centra fokus su narednog planskog perioda.

U segmentu **opskrbe vodom**, i dalje je aktuelan problem nedovoljne priključenosti stanovništva na vodovodnu mrežu (56,4%) kao i visoki gubici u mreži koji zbog starosti mreže i mjestima priključaka iznose do 27%. Nizak je obuhvat stanovništva i **kanalizacijskom mrežom** te je tek 23% stanovništva obuhvaćemo kanalizacijskom mrežom čija dužina iznosi 41,5 km. Poseban problem je za stanovnike naselja na periferiji i u predgrađima koji nemaju kanalizacijske sustave te se prikupljanje otpadnih voda obavlja uglavnom pomoću septičkih jama ili lokalno izgrađenih kanalizacijskih sustava sa direktnim ispustima u najbliži vodotok. Stoga će u infrastrukturalnim prioritetima u narednom periodu biti usmjereni upravo ka navedenim oblastima, što će ujedno biti nastavak već započetih aktivnosti na izgradnji prečištača pitke vode u Kostrču. Odvoz otpada na području Orašja je zadovoljavajući iako je neophodno raditi na povećanju



obuhvata stanovništvom organiziranim **odvozom otpada** s obzirom da je trenutni obuhvat 80%. Značajan problem i dalje predstavlja nelegalno deponiranje od strane nesavjesnih građana organskog, bio-nerazgradivog i drugog glomaznog otpada na nedopuštena mjesta gdje se onda stvaraju divlje deponije

Kada govorimo o **zagađenju zraka**, s obzirom da se ne vrši kontinuirani monitoring kvalitete zraka na području Orašja, precizni podaci o zagađenju zraka nisu dostupni, ali su najveće prijetnje po kvalitet zraka na ispušni plinovi vozila na motorni pogon, te dim od loženja krutih i tekućih goriva za potrebe grijanja (drvo, ugalj, nafta).

S aspekta **energetske učinkovitosti**, ista se na području Grada Orašje provodi uglavnom individualno i to od strane samih građana koji u vlastitoj režiji pokušavaju zadovoljiti energetske učinkovitost ugradnjom toplotnih izolacija (stiropor) na stambene objekte. Gradska uprava Orašje uvažava značaj unapređenje energetske učinkovitosti, posebno javnih objekata te će se nastaviti sa inicijativama vezanim za energetske učinkovitost.

Orašje je status Grada steklo 2022. godine što pred Gradska upravu predstavlja dodatni poticaj daljnjeg unapređenja javne uprave. Kroz izrađenu Strategiju razvoja za period 2021.-2027. godina kreiran je i planski osnov daljnjeg razvoja i osiguranja sredstava za realizaciju strateških intervencija. Rezultati ispitivanja zadovoljstva građana javnim uslugama ukazuju da je većina ispitanih građana zadovoljna većinom javnih usluga, ali su ukazane potrebe za organizacijom većeg broja kulturnih događanja, unapređenja zelenih površina i igrališta za djecu, boljim održavanjem lokalnih puteva i unapređenjem kanalizacijskog sustava<sup>2</sup>, što će svakako biti prioritetizirano u narednom planskom periodu.

Smanjenje negativnih utjecaja pandemije u odnosu na 2021. godinu i pojava inflacije u 2022. godini imati će pozitivan utjecaj na visinu prihoda u Proračunu Grada Orašja, što će dovesti do većih kapitalnih izdataka za nabavu stalnih sredstava i financijske imovine.

<sup>2</sup> Rezultati mjerenja zadovoljstva građana javnim uslugama Općina Orašje, [https://orasje.ba/dokumenti/JLS\\_Report.pdf](https://orasje.ba/dokumenti/JLS_Report.pdf), ožujak 2022. godine. Oblasti u kojima je veći broj građana izrazio nezadovoljstvo javnim uslugama u odnosu na one koji su iskazali zadovoljstvo.



### III. Strateški pravci razvoja Grada Orašje

Gradsko vijeće Orašje je usvajanjem Strategije razvoja općine Orašje za period 2021-2027. godine definiralo i uskladilo razvojne pravce i prioritete sa ključnim razvojnim dokumentima na nivou Županije Posavske, Federacije BiH i BiH ali i relevantnim međunarodnim planskim dokumentima. Kroz efikasno korištenje potencijala za unapređenje konkurentnosti gospodarstva (prerađivačke industrije, poljoprivrede i trgovine), uz poticanje razvoja novih djelatnosti, razvoj prosperitetnog društvenog sektora koji je u funkciji zadržavanja stanovništva te balansiranu izgradnju javne infrastrukture uz očuvanje okoliša, Grad Orašje teži ka ostvarenju vizije razvoja sa kojom će postati razvojno perspektivna zajednica, održivog i konkurentnog gospodarstva, socijalno odgovornog društvenog sustava i ekološke infrastrukture, te sigurnog života za sve građane. Iz navedenih strateških pravaca razvoja kao i vizije razvoja Orašja, definirana su tri strateška cilja do 2027. godine:

1. Unaprijeđeno poslovno okruženje u funkciji konkurentnog gospodarstva
2. Ubrzan i inkluzivan društveni razvoj
3. Izbalansiran infrastrukturni s održivim razvojem

Stupanj realizacije definiranih strateških ciljeva će se mjeriti kroz set indikatora utjecaja definiranih Strategijom razvoja Orašja do 2027. godine koji obuhvaćaju ekonomski razvoj, društveni razvoj, te zaštitu životne sredine. Stupanj gospodarskog razvoja Grada Orašja u periodu od 2021-2027. godine će se mjeriti kroz sljedeće indikatore:

Indikatori uticaja	Polazna vrijednost (2020)	Ciljna vrijednost (2027)
Nivo razvijenosti – indeks/rang	0,79 (45.)	1 (20)
Broj poslovnih subjekata (stanje 31.12.)	1.253	1.500
Prosječan broj zaposlenih	3.605	3.800
Pokrivenost uvoza izvozom (%)	20,33%	30%

Stupanj realizacije razvoja ubrzanog i inkluzivnog društvenog razvoja mjerit će se kroz nekoliko ključnih indikatora kao što su:

Indikatori uticaja	Polazna vrijednost (2020.)	Ciljna vrijednost (2027.)
Stupanj migracija stanovništva, %	-10	+5
Stopa prirodnog priraštaja stanovništva, na 1.000 stanovnika	0,00026	0,01
Broj djece obuhvaćene predškolskim odgojem i obrazovanjem	66	100
Prosječna neto plaća	960	1.000
Broj aktivnih nevladinih organizacija	18	25



Konačno, za praćenje realizacije izbalansiranog infrastrukturnog s održivim razvojem, definirani su sljedeći indikatori:

Indikatori uticaja	Polazna vrijednost (2020)	Ciljna vrijednost (2027)
Domaćinstva priključena na vodopskrbni sustav (%)	56,4%	90%
Domaćinstava priključena na kanalizacijsku mrežu (%)	23%	80%
Pokrivenost uslugama odvoza komunalnog otpada (%)	80%	100%
Broj obnovljenih i utopljenih objekata/ustanova (broj)	2	10

Definirani strateški ciljevi Grada Orašja su direktno usklađeni i proizilaze iz nekoliko ključnih strateških dokumenata sa viših nivoa vlasti u Bosni i Hercegovini kao što su: Strategija razvoja Županije Posavske za period 2021.-2027. godina, Strategija razvoja FBiH 2021 -2027. godine, Strategija protuminskog djelovanja BiH 2018-2025., Strateški plan ruralnog razvoja BiH 2018-2021., Okvirna strategija prometa BiH 2015-2030., Okvirna energetska strategija BiH do 2035. godine, Strategija prilagođavanja na klimatske promjene i niskoemisionog razvoja BiH za period 2020-2030. (nacrt), Strateške smjernice za harmonizaciju podrške razvoju malih i srednjih preduzeća i preduzetništva u BiH za period 2021-2027. (radna verzija), Strategija za unapređenje prava i položaja osoba sa invaliditetom u FBiH 2016.-2021., Strategija borbe protiv dijabetesa u FBiH 2014-2024, Strategija upravljanja vodama FBiH 2010-2022., Transportna strategija FBiH 2016-2030., Gender akcijski plan BiH za period 2018.-2022. godine, Okvir za realizaciju Ciljeva održivog razvoja u Bosni i Hercegovini.

Kako bi se osigurao visok stupanj realizacije zacrtanih strateških ciljeva Grada Orašja do 2027. godine, Gradsko vijeće je usvojilo i set prioriteta do 2027. godine koji pokrivaju sve oblasti od strateškog značaja za razvoj Orašja.

Kako bi unaprijedili poslovno okruženje koje će biti u funkciji konkurentnog gospodarstva, Grad Orašje će do 2027. godine raditi na realizaciji sljedećih prioriteta:

- Razvoj gospodarstva uz privlačenja investicija i povoljan poslovni ambijent
- Razvoj kapaciteta, kvaliteta, promocije i konkurentnosti poljoprivredne proizvodnje
- Efikasna javna administracija

Sa ciljem osiguranja ubrzanog i inkluzivnog društvenog razvoja Grad Orašje će se do 2027. godine fokusirati na realizaciju sljedećih prioriteta:

- Unapređenje društvene infrastrukture i sadržaja
- Unapređenje socijalne i zdravstvene zaštite
- Zaštita građana i jačanje civilnog sektora





Konačno, kako bi osigurali izbalansiran infrastrukturni sa održivim razvojem Gradska uprava Orašje će do 2027. godine usmjeriti sve raspoložive resurse na sljedeće prioritete:

- Unaprijeđenje javne infrastrukture
- Efikasno upravljanje otpadom i otpadnim vodama

#### **IV. Strateški prioriteti, mjere i projekti**

##### **Prioriteti, mjere i strateški projekti**

Strategijom razvoja općine Orašje za period od 2021.-2027. godine, lokalna samouprava se opredijelila za nekoliko strateških projekata čija realizacija bi trebala da osigura najšire pozitivne društveno-ekonomske efekte koji će doprinijeti razvoju ekonomskog i društvenog razvoja kao i zaštite životne sredine:

1. Izgradnja Sportsko-rekreativne luke u Orašju
2. Izgradnja gospodarsko – sportsko-kulturnog centra Orašje
3. Rekonstrukcija objekta kino dvorane u Orašju
4. Izgradnja zgrade Državnog projekta stambenog zbrinjavanja-Pod-projekt BIH 6
5. Izgradnja Doma zdravlja Orašje.

Kako bi se osigurala realizacija strateških projekata ali i prioriteta definiranih Strategijom razvoja općine Orašje 2021 - 2027. godine, kao i drugim strateškim dokumentima na višim nivoima vlasti u BiH, Grad Orašje će se u periodu od 2023-2025. primarno fokusirati na realizaciju slijedećih mjera i aktivnosti koje pokrivaju ekonomski i društveni sektor, infrastrukturu i zaštitu okoliša:

##### **Strateški cilj 1 „Unaprijeđeno poslovno okruženje u funkciji konkurentnog gospodarstva“**

- 1.1.1. Unapređenje i razvoj poduzetničke infrastrukture uz jačanje konkurentnosti gospodarstvenika
- 1.1.2. Privlačenje domaćih i stranih investitora uz uključivanje dijaspore
- 1.1.3. Razvoj turističke ponude i turističkih kapaciteta u funkciji razvoja gospodarstva
- 1.2.2. Podrška konkurentnosti. umrežavanju poljoprivrednih proizvođača i promociji poljoprivredne proizvodnje
- 1.3.1. Digitalizacija i unapređenje javnih usluga
- 1.3.2. Jačanje kapaciteta zaposlenika u lokalnoj samoupravi
- 1.3.3. Unapređenje prostorno - planske osnove za rad lokalne samouprave
- 1.3.4. Rekonstrukcija stambenih i poslovnih prostora u vlasništvu Općine

##### **Strateški cilj 2 „Ubrzan i inkluzivan društveni razvoj“**

- 2.1.1. Infrastrukturno i materijalno - tehničko unapređenje obrazovnog okruženja
- 2.1.2. Infrastrukturno i sadržajno unapređenje u oblasti sporta. kulture i slobodnog vremena
- 2.2.1. Potpora jačanju socijalno - društvenih programa i infrastrukture i općinskih mjera pronatalitetne javne politike
- 2.2.2. Jačanje ljudskih i materijalno - tehničkih kapaciteta domova zdravlja. područnih



ambulanti obiteljske medicine te Županijske bolnice

2.3.1. Unapređenje sigurnosti građana od rizika uzrokovanih prirodnim i drugim nesrećama i minama

2.3.2. Jačanje kapaciteta civilnog sektora

Strateški cilj 3 „Izbalansiran infrastrukturni s održivim razvojem“

3.1.1. Izgradnja i rekonstrukcija lokalnih i regionalnih cesta i ulica

3.1.2. Proširenje i rekonstrukcija vodovodne mreže

3.1.3. Proširenje javne rasvjete na području općine Orašje

3.1.4. Uređenje grobalja na području općine Orašje

3.1.5. Izgradnja objekta za pružanje pogrebnih usluga na mjesnom groblju u Orašju

3.2.1. Unapređenje efikasnosti odlaganja otpada

3.2.2. Izgradnja kolektora i proširenje kanalizacijskog sustava

## V. Indikativni finansijski okvir za planski period od 2023-2025. godine

Realizacija planiranih prioriteta, mjera i strateških projekata za period od 2023-2025. godine finansirati će se kombinacijom budžetskih sredstava Grada Orašje kao i vanbudžetskim sredstvima. Grad Orašje je Akcionim planom za realizaciju mjera i strateških projekata iz Strategije razvoja općine Orašje za period 2023.-2025. godine predvidio 14.639.500,00 KM od čega su budžetska sredstva 4.088.500,00 KM i 10.605.000,00 KM ostali vanjski izvori. Pored 5.357.500,00 KM planiranih u 2023. godini, za 2024. godinu je planirano 4.831.500,00 KM i 4.504.500,00 KM u 2025. godini. Za mjere i projekte planirane za realizaciju i doprinos unaprijeđenom poslovnom okruženju u funkciji konkurentnog gospodarstva za period od 2023-2025. godine planirano je 1.243.500,00 KM. Za ubrzan i inkluzivan društveni razvoj, Grad Orašje u periodu od 2023-2025. godine planira osigurati 10.135.000,00 KM budžetskih i vanbudžetskih sredstava. Konačno, za izbalansiran infrastrukturni sa održivim razvojem resursima za naredne 3 godine je planirano ukupno 3.315.000,00 KM.

U cilju osiguranja implementacije aktivnosti i projekata uvrštenih u Akcioni plan za period od 2023.-2025. godine (Prilog 1) te obezbjeđenju sredstava za realizaciju istih, sve nadležne službe organa uprave prilikom izrade trogodišnjih planova rada trebaju voditi računa o uvrštavanju navedenih aktivnosti u svoje trogodišnje i godišnje planove rada. Proces monitoringa implementacije navedenih aktivnosti i izvještavanja o istim, obavljati će se u skladu sa Zakonom o razvojnom planiranju i upravljanju razvojem u Federaciji BiH, kao i Uredbom o trogodišnjem i godišnjem planiranju rada, monitoringu i izvještavanju u Federaciji BiH.

Prilog 1: Akcijski plan Grada Orašja za period 2023.-2025. godine



Gradonačelnik

mr.sc. Marijan Oršolić